



II. ATALA
BIZKAIKO LURRALDE HISTORIKOKO TOKI ADMINISTRAZIOA

Bermeoko Udala

Andra Mari eta Santa Eufemia jaietako kartela aukeratzeko lehiaketaren oinarriak.

2024ko apirilaren 25eko Bermeko Udaleko Osoko Bilkuran, Andra Mari eta Santa Eufemia jaietako kartel iragarlea aukeratzeko oinarriak onartu dira.

Bermeon, 2024ko maiatzaren 2an. —Alkatea, Nadia Nemeh Shomaly



ANDRA MARI ETA SANTA EUFEMIA JAIETAKO KARTELA AUKERATZEKO LEHIAKETAREN OINARRIAK

Xedea

Bermeoko Udalak «Andra Mari eta Santa Eufemia Jaiak» iragarriko dituen kartela aukeratzeko lehiaketarako oinarriak egitea da. Aurkeztutako lanetatik Bermeoko jaietako kartel iragarlea eta egitarauaren azala aukeratuko dira.

Gaia

Bermeoko jaiak. Kartela Bermeoko jaietako adierazle izan behar da.

Horretarako honako ezaugarri hauek hartuko dira kontuan: jai herrikoiak eta herritarrentzat izatea, parte-hartzaileak, sortzaileak, euskaldunak, feministak, solidarioak eta ekologistak.

Lanak aurkeztea

- Lanen egileak pertsona fisikoak izan behar dira.
- Derrigorrez, 50 x 70 cm neurtuko ditu.
- Gura den beste kolore eta edozein teknika erabili daiteke.
- Lanak hiru eratan aurkezteko aukera dago:
 - PDF formatuan, bereizmen handikoa.
 - CD euskarri informatikoan.
 - Euskarri gogorrean.

Lanak aurkezteko lekua, modua eta epea

Bermeoko udaleko egoitza elektronikoan

- Honetarako eskatzaileak ziurtagiri elektronikoa izan behar du.
- Eskatzaileak egoitza elektronikoan beteko du eskaera-orria eta kartela bereizmen handiko PDF formatuan aurkeztu behar du.
- Egileak IN-292 agiria beteko du.
- Egileak IN-108 baimen idatzia betez gero, baimendu ahal du beste pertsona batek bere izenean lana aurkezteko.
- Egileak guztiz borondatezkoa den idazki bat aurkeztu ahal izango du, aurkeztutako lanaren azalpenarekin eta aukeratutako izenburua erabilita.

Berhaz bulegoan (Ertzilla, 8) edota Udaleko Kultura eta Hezkuntza Sailan (Irakaskintza, 14-16)

- Eskatzaileak formatu fisikoan, CD euskarrian edota kartela 50x70 zm. tamainarena, euskarri gogor bati lotuta aurkeztuko du.
- Egileak IN-292 agiria beteko du.
- Egileak IN-108 baimen idatzia betez gero, baimendu ahal du beste pertsona batek bere izenean lana aurkezteko.
- Egileak guztiz borondatezkoa den idazki bat aurkeztu ahal izango du, aurkeztutako lanaren azalpenarekin eta aukeratutako izenburua erabilita.
- Lanak aurkezteko epea: Bizkaiko Aldizkari Ofizialean urtero argitaratuko den deialdian zehaztuko da.

Testua

Testu hau ipini beharko da:

- «Bermeoko jaiak» eta dagokion urtea.
- Irailaren 7tik 16ra.

**Kartel finalistak aukeratzea**

Bermeoko jai batzordeko kideek eta Barrueta arte elkarteko kideek osaturiko epaimahaiak aurkeztutako kartel guztiak ikusiko ditu eta lan onenen artean finalistak aukeratuko ditu.

Parte hartzetik kanpo geratzen dira epaimahaiko kideak eta aholkulariak, baita euren lehen mailako odol-ahaidetasuneko edo ezkontza-ahaidetasuneko senideak ere edo haiekin antzeko bizikidetzat afektiboko harremana duten pertsonak.

Kartelak kanporatzeko irizpideak

Epaimahaiak baztertu egingo du gutxienez honakoren bat betetzen duen edozein proposamen:

- Kartelen egileen nortasuna erakustea (irabazlea nor den adierazi arte, parte-hartzaileek ezin izango dute jendaurrean adierazi, ezta sare sozialen bidez ere).
- Arrazakeria, sexismoa edo LGTBIfobia adierazpenak.
- Egilea identifikatzeko elementu grafikoak.
- Irudi iraingarriak edo diskriminatzaileak.
- Udalerriaren irudiarentzat egokiak ez diren elementuak.

Edonola ere, epaimahaiak proposamenak baztertzeko arrazoiak eman beharko ditu, eta aktan sartu beharko dira.

Balorazio irizpideak

Epaimahaiak irizpide hauen arabera baloratuko ditu jasotako proposamenak:

- Proposamenen originaltasuna, diseinua, kalitatea eta estetika, eta, oro har, herriko jaietan parte hartzea sustatzeko erakargarrienak eta egokienak diren eskumeneko alderdiak.

Lan irabazlea aukeratzea

Herritarrek epaimahaiak aukeratutako kartel finalistaren artean bozkatu ahal izango dute. Horrela ere, herritarren bozketan berdinketarik edo arazorik balego, lan irabazlea aukeratzea epaimahaiaren esku geratuko da.

Kartel finalistak ikusgai

- Bermeoko udalaren webgunean eta bere sare sozialetan.
- Gizarte eta Kultura etxean (Irakaskintza, 14-16).
Ordutegia: 09:00-14:00 / 17:00-21:15 (astelehenetik barikura).
- Bozkatzeko epea: Bizkaiko Aldizkari Ofizialean urtero argitaratuko den deialdian zehaztuko da.

Bozkatzeko erak

- Gizarte eta Kultura etxean ipinitako ontzian.
 - Internet bidez.
- Oharra: pertsonako boto bakarra eman ahal izango da.

Bozketaren balioak

- Aurrez aurreko botoek %70eko balioa izango dute.
- Internet bidez emandako botoek %30eko balioa izango dute.

Lan irabazlearen jakinarazpen epea: Bizkaiko Aldizkari Ofizialean urtero argitaratuko den deialdian zehaztuko da.

Lan irabazlea ebartziko duen organoa: Tokiko Gobernu Batzarra.

**Izaera pertsonaleko datuak babestea**

Lehiaketan parte hartuta, sariaren irabazleak onartzen du bere izen-abizenen barri ematea lehiaketaren ebazpena argitara emateko.

Datu pertsonalak eta aurkeztutako gainerako dokumentazioa lehiaketa hau kudeatzeko erabiliko dira, Datuak Babesteko 3/2018 Lege Organikoan (DBLO) eta Datuak Babesteko Europako Parlamentuaren 679/2016 Erregelamenduan (DEPE) oinarrituta.

- Arduraduna: Bermeoko Udala, antolakuntza@bermeo.eus
- Legitimazioa: interesdunaren baimena.
- Hartzaileak: ez zaie daturik emango hirugarrenei, ez bada legezko betebeharra dagoela.
- Eskubideak: datuak eskuratzeko, zuzentzeko, ezerezteko, tratamendua mugatzeko eta tratamenduari aurka egiteko eskubideak.

Informazio gehigarria: www.bermeo.eus/datuenbabesa.html

Saria

Sari bakarra egongo da, 600 eurokoa.

- Sariaren zenbatekoari legez ezarritako atxikipen fiskala aplikatuko zaio.
- Sari hau jasotzea bateragarria da beste sari batzuekin.
- Sariari lotutako zenbateko ekonomikoa jasotzea, egile eskubideak eta jabetza intelektualeko eskubideak lagatzearen kontra-prestaziotzat hartuko da.

Beste baldintza batzuk

Bermeoko Udalak jaietako kartelean aldaketak egitea eskatu ahal dio kartelaren egi-leari.

Irabazleak kartela inprimatzeko azken tamainan aurkeztu beharko du Kultura eta Hezkuntza sailean, inprimatze-kalitatea bermatzearen alde.

Udalak kartel irabazlearen jabetza ez eze, jendaurreko komunikaziorako, kopietarako eta banatzeko eskubideak ere eskuratuko ditu; eskubide horiek udalarenak baino ez dira izango.

Sarituak izan ezik, gainerako egile guztiek lehiaketa honetan aurkeztutako lanen egi-letzaren eta jabetza intelektualaren eskubideak gordeko dituzte.

Lehiaketan parte hartzeak oinarri guztiak onartzea dakar.

Epaimahaiak erabakiko du oinarri hauetako edukiak interpretatzeko edozein zalan-tzari buruz, baita aurkeztutako lanen edukiari eta lehiaketarekin lotutako beste alderdi batzuei buruzko edozein gairi buruz ere.

Epaimahairen erabakia apelaezina izango da.

Kartelak batzeko epea

Sarituak izan ez diren lanak batzeko epea abuztuan eta irailean izango da. Epe hori igaro eta gero, jaso ez direnak suntsitu egingo dira.

Argibide gehiago

- Bermeoko Udaleko Kultura eta Hezkuntza Saila.
Gizarte eta Kultura etxea, Irakaskintza, 14 -16.
- Tel.: 946179157.
- e-posta: kultura@bermeo.eus
- Webgunea: www.bermeo.eus